

⁵
D. O. M. A.

Discursus

De

JURE PRINCIPUM ET STATU-
UM IMPERII

Cum aliis quibusdam Quaestionibus,

Quem

*Permissu & auctoritate Nobilissimi Jctorum
Ordinis in florentissima SALANA*


PRÆSIDE

GEORGIO FRANTZKIO
SIL. J. U. CANDIDATO

*Nobilissimis & Praestantissimis suis Collegis Collegii Insti-
tutionum ventilandum proponis*

ANDREAS KÖRNERUS
Coburg. Francus.

Kal. Octobri 6.



J E N Æ

Typis STEINMANNIANIS.

Anno M. DC. XXI.



VIRIS

*Prudentissimis & longo rerum usu & ex-
perientiâ Præstantissimis*

DN. ANDREÆ KÖRNER
REIPUBL. COBURGENSIS
Consuli meritissimo,

DN. TOBIÆ AMLING,
REIPUBL. SCHWINFURTENS.
Senatori dignissimo,

*Illi Parenti, huic Avunculo meo dile-
ctissimo, colendissimo*

Exercitium hocce Academicum


debitæ gratitudinis erga

offero

&

consecro

Andreas Körner
Respondens.



De jure Principum. & statu tum Imperii discursus.

MAGISTRATUS
olim Romanorum sub libera
Republ. vel ambulatorios fuisse
vel sub Principum imperio per-
petuos quidem, sed ad nutum Impp. ut sic di-
am, removibiles in propatulo: nomenq; hoc
non nisi officii fuisse status, tùm temporis
Republ. indicio est. †. Exactis enim Regi-
bus præcipua fuit Consularis potestas, quæ ad
emplum Regiæ dominationis lege latâ in-
ducta est l. 2. §. exactis 16. de O. 7. †. Quæ ipsa
invisum nomen Regis restauraretur tem-
poraria facta, aut imago veteris Monarchiæ
peresset, duobus administranda concessa
est. †. Translatâ verò dein in Principem
præmâ potestate, Magistratus nil proprii
vâ Majestate Principis potuit habere, mul-
tiniùs in heredes transmittere. †. Ut pro-
dè perperam illi semper mihi fecisse visi
sunt, qui nostros Principes, Duces & Comites

- Magistratibus veteribus vel surrogare vel cū
 6. iisdem comparare saltem ausi fuerunt. †. Et
 si enim Præfecti Prætorio auctoritas post Prin-
 cipem summa & in tantum aucta, ut appellari
 ab illo non potuerit, nec adversus illum peti
 restitutio in integrum nisi ab ipso *l. un. de off.
 Præf. Prætor. l. 18. de minor. Fenesbell. de Magistr.
 Rom. cap. 22. pag. m. 76. Et seq.* potestas tamen
 hæc solum fuit officii & administrationis *l. 1.
 §. 5. ibi administrationes C. de off. Præf. Prætor. Afr.
 t. t. C. de off. Præf. Prætor.* imò ubi imperium de-
 clinare cœpit, nomen etiam mutatum & qui
 antea Præfectus Prætorio post magister sta-
 buli cum imminutâ potestate appellatus est
Pomponius Letus de Magistr. Rom. cap. 8. p. m. 92.
 7. †. Alia ratio est modernorum Imperii Prin-
 cipum & statuum, qui veri sunt Domini ter-
 rarum & in suis territoriis supremum jus, idq;
 perpetuum & transmissibile vulgò die *Landes-
 fürstliche Obrigkeit / Sonderbare Hocheit
 und Oberbottmässigkeit* & proportionem qua-
 dam regalia & jura Majestatis exercent.
 8. †. Et quidem hæc omnia expediunt, non ju-
 re officii, aut administrationis, sed proprio
 9. Marte & specie cujusdam *αὐτοκρατορίας*. †. Fuit
 quidem & Magistratibus Romanis jurisdi-
 ctio jure proprio concessa. Undè rescriptum
 est

est in *l. 5. de jurisd.* More majorum ita comprobatum esse, ut is demum jurisdictionem mandare possit, qui eam suo jure non alieno beneficio haberet. †. Verum hoc ita dicebatur fieri vel ad differentiam delegatorum, qui nihil proprii habent *l. 1. §. 1. Et ibi Purpurat. n. 2. de off. ejus cui mand. est jurisd.* vel potius suo jure is habere jurisdictionem existimabatur, cui hæc eo ipso, quo Magistratus est creatus, concederetur. Hinc jure proprio & jure Magistratus competere æquiparantur & unum idemq; esse reputantur *d. l. 1. in pr. v. quæ verò jure Magistratus de off. ejus. junct. a l. 5. de jurisd.* & generaliter quæ jure Magistratus aut proprio jure competunt, mandari possunt *d. l. 1.* †. Principibus verò imperii longè pleniori jure jurisdictio asseritur jure sc. territorii, cui, ut alia sic & illa ipsa quasi est annexa. Undè & concessio territorii universaliter successoriâ lege in perpetuum transit ad commodum & utilitatem propriam. *Johan. Anton. Lanar. consil. 5. n. 4. Knich. in tr. de jure territ. cap. 1. n. 388.* †. Hinc infertur I: veram esse communem Dd. sententiam, Duces, Marchiones, Comites &c. immediatos in suo Ducatu, Marchionatu &c. tantum posse quoad subditos quantum Imperatorem in

10.

11.

12.

- toto Imperio *Bald. in l. receptitia C. de constit. pec. Paul. de Castr. conf. 83. incipiente super primo dubio in part. 2. Alexand. conf. 1. n. 29. in vol. 5. & alii, quos refert Borchold. in tr. de feud. cap. 5. n. 37. & in cap. un. quæ sunt regalia n. 7. & seq. & quos prolixâ serie allegat Bachov. ad vol. 1. Tr. disp. 23. tb. 1. tit. C. †. Quò referunt quidam, quod Principes & alii superiores immediate Gratiæ DEI suam dignitatem acceptam ferunt: non minus quàm summus Princeps, quod tamen in Gallia neminem absq; crimine læsæ Majestatis scribere audere testatur ex Monsieur de Serrez. lib 1. invent. Auçt. de jure principatus tb. 88. lit. B. †. Undè jura provincialia vel constitutiones promulgare & contrarias abrogare rursumq; novas constituere ipsis integrum *Paul. de Castr. d. l. Vvesenb. conf. 1. n. 39. part. 1.* quas etiam imperialis Camera in judicando attendere tenetur *part. 1. Ordin. Cam. tit. 57. Knich. de jure terr. d. c. 1. n. 398.* quod & ad liberas Imperii civitates extendit *Andr. Gail. in tr. de arrest. Imp. cap. 9. n. 1.* Hinc famæ & in integrum restituant R. A. zu *Spener de Anno 1526. §. vnd wieviel der gemeines Mann ibi.* so solle eine jede Obrigkeit: i. jus indulgendi delicta habent R. A. zu *Spener de Anno 1526. §. es soll sich auch ibi.* die zu jeder
Obrigo*

Obrikeit Bedenken vnd Macht stehen / mo-
 dō non refragetur divini juris auctoritas,
 †. Ihdem concessum est ex antiquissimo li-
 bertatis prætenso & novissimo imperii jure,
 ut possint cogere militem in propriam & a-
 liorum salutem *X. A. de Anno 1526. §. Da-*
rauff VVarem ab Erenberg, lib. 1. de fœderib. c.
2. n. 56. & consequenter pacis & securitatis
 causa fœdera inter se ferire. *Aur. Bull. Carol.*
IV. tit. 15. Ord. Camer. part. 2. t. 8. §. So jemand.
 †. Crimen quoque læsæ Majestatis in illos
 committi Julius Clarus testatur *lib. 5. senten-*
tiar. §. læsæ Majestatis n. 3. vide plura in hanc
 rem apud Reinckinck *lib. 1. de Regim. secul. &*
Eccles. cl. 5. cap. 6. n. 20. non obstantibus iis,
 quæ contra communem hanc sententiam in
 seqq. videtur opponere. †. Quo ipso tan-
 tū abest, ut splendor & dignitas Imperato-
 ris exhauriatur, ut magis illustrior inde red-
 datur, quandoquidem tantō major & poten-
 tior quisque habetur, quantō melioribus
 & illustrioribus præest, *ut ait Justin. in Novell.*
15. in fin. pr. eoque nobilior existimatur, qui
 sublimius habet subjectum Aristotel. *1. Po-*
lit. 5. & 8. †. Recognoscunt enim & Prin-
 cipes feudi lege ab Imperatore sublime hoc
 jus territorii, quantum scilicet attinet uni-
 verfa-

15.

16.

17.

18.

versale dominium totius Ducatus, Principatus &c. etsi jurisdictionem universalem & particularem in subditos eam exerceant jure territorii promoveantque *Cacheran. consil.*

19. *q. n. 2.* t. Undè in hujusmodi actibus jurisdictionalibus ipsi Imperatori præferuntur, quatenus nemo Principibus subiectus, immediatè recurrere possit ad Imperatorem, nisi causa sit ardua, intolerabilis præjudicii & notoria omnis injustitiæ ex Decian. *Resp. 56.*
20. *n. 4. Knich. d. c. 1. n. 405.* t. II. Ex prædictis inferitur, statuta Principum Germaniæ malè cum jure Prætorio propriè sic dicto comparare & actionem indè in factum descendentem concedere *Panormitan. in cap. ult. extr. de off. legat. Treutl. disp. 23. vol. 1. tb. 1. lib. 1.* & illam, uti alia Prætoriam anno finiri, Sichard. *ad Rubr. C. qui admitt. ad bon. possession. poss. n. 15.* cùm propter dictas rationes magis legibus accensenda esse & ex iis conditionem ex lege oriri certum evadat Bachov. *add. disp. 23. tb. 1. l. c.*
21. t. Undè III. elici videtur, Principibus merum imperium, seu gladii potestatem hodiè jure Magistratus non competere & ab iisdem exerceri. t. Siquidem illud aliis exercendum committunt, quos potiori jure illis ipsis, qui precariò hoc olim à popu-

populo vel Principe obtinebant, assimilaveris, quàm ipsos Imperii Principes. t. Con-
cessione tamen illâ à Principibus factâ non
nisi speciali merum imperium & hodiè trans-
ire veriùs est *arg. d.l. 1. de off. ejus.* non attento
quod sub nomine Magistratus soleat plæ-
rumque concedi t. Nec enim olim ideò
jure Magistratus compete-
bat, quod Princeps
eo ipso, quo aliquem v. c. Provinciæ Præsi-
dem creabat, simul concederet potestatem
gladii & criminum executionem, quod
contra Cujac. *in l. 131. de V. S. & ad Papin. in l.*
1. de off. ejus & c. cum Bachovio *ad vol. 1. Tr.*
disp. 3. tb. 6. lit. E. verissimum existimo vel ex
hac ratione, quod ineptum foret vel Papinia-
num in sæpè dicta *l. 1. de off. ejus.* disertissi-
mis verbis merum imperium iis, quæ juri
Magistratus competunt, opponere, vel Ul-
pianum *in lib. 6. de off. procons.* negare à Pro-
console merum imperium legato mandari
posse, quorum tamen tempore, imò longè
ante ipsos, qui Præfecti Prætorio, Procon-
sules, Præsides creabantur, hoc ipso merum
imperium accipiebant *Bachov. d.l.* t. Idem
de modernis Magistratibus asserere nihil ve-
tat: quippe cùm nihil intersit, an lex singu-
lis Magistratibus, qui creantur, merum im-

16.

27.

perium nominatim tribuat, an verò omnibus illis, qui hoc vel illo Magistratu donabuntur, ab initio adjungat; ubi nihilominus dici potest, quòd videatur repetita ab initio lex de Imperio hujus vel illius Magistratus lata. †. Quin imò necesse est illis lege vel constitutione tribui imperium, quoniam penes eum residet, penes quem Reipubl. summa est: Nam si ita jure suo Magistratus haberet, partem aliquam supremi imperii haberet *v. Vincent. Cabotium lib. 2. disputatorium c. 7.* Quod uti Principibus libenter asserimus, ita Magistratibus ab ipsis constitutis perseveranter negamus. †. Et tantùm pro temporis angustia de jure Principum Imperii per discursum annotare visum est.

Confectaria.

I.

Quia in mentionem meri Imperii incidimus, placet subjungere *ἐν πρῶτῳ* quaestionem olim inter Lotharium & Azonem agitatam: Utrum Populus vel Princeps transferringo in aliquem merum Imperium proprietatem ejus, an verò saltem usum vel exercitium concedat? Quorum ille exercitium;
hic

hic insuper & proprietatem transiisse enixè
voluit, uterq; sponfione factâ & equo deposti-
to Henrici I. Imp. filium sequestrem adivit,
finalemq; hujus controversiæ determinatio-
nem eidem permisit. Ex cujus sententia ju-
stè Lotharium non tantùm equum tulisse, sed
& æquum dixisse, adeòque communem Dd.
Scholam iniquè ab arbitramento hoc subtri-
to Proverbio: *Lotharius dixit iniquum & ob-*
tinuit equum. At Azo dixit æquum, sed perdidit
equum, postea recessisse contra Obrechtum
lib. 2. de jurisd. cap. 2. n. 18. Duar. ad l. 3. de jurisd.
Bocer. c. 8. de jurisd. n. 4. & 5. defendemus cum
Alciato 2. Paradox. 6. Matth. Steph. lib. 1. de ju-
risd. c. 11. n. 23. & CL. Hilligero in Don. enucl. lib.
17. c. 8. lit. NN per l. 1. ibi delegatam. de off. ejus arg.
l. 2. ad L. Jul. pecul. junct. l. 4. §. 4. eod. t. præsertim
cum jure proprio & jure Magistratus quid
habere heïc non differant, ceu luprà fuit pro-
batum *n. 10.* & aliàs tralatitium est. Undè
merum imperium & mandari & sine speciali
concessione communicatâ jurisdictione in
alios transferri posse contra propria princi-
pia ipsorum consequens futurum esset. Et
aliàs tritum est, jus animadvertendi in facino-
rosos inter jura supremæ potestatis connu-
merari, quæ rarò aliis concedi multò minùs

concessa propria effici solēt. Imò extitēre quēdam nationes, quæ non hominum, sed Deorum merum imperium existimârunt, ut apud veteres Germanos scribit Tacitus *in lib. de morib. German.* neque animadvertere, neq; vincere neque verberare licuisse, nisi Sacerdotum permisso, non quasi in pœnam, nec Regum, nec Ducum jussu, sed velut Deo imperante, quem adesse bellantibus credebant, id fiat Vincent. Cabot *d. lib. 2. diss. cap. 5. pag. m. 203.* sanè hodierno statu cū merum imperium unà in feudum dari soleat, hereditarium id & gentilitium effectum Scipio Gentil. *l. 3. de juris d. cap. 23. Hilliger. d. lib. 17. cap. 8. lit. Nn.*

11.

Merum imperium undè dicatur, variis modis inquirunt Dd. quorum mentem optimè videbis enucleatam apud solertissimum Hilliger. *d. l. 17. cap. 8. lit. Vu.* Verior mihi videtur vocabuli originatio, quam idem Hillig. ib. adfert, Merum esse, cui nihil extrinsecus adveniēns adjunctum, quodque suâ solūm relictum est simplici naturâ, non quod ut communiter sentiunt, jurisdictioni civilium causarum non est conjunctum, quandoquidem ut doctè ib. Hillig. vel mixtum

tum imperium ideò merum dicendum ,
quia à jurisdictione criminalium causarum
planè se junctum. Nec merum vinum illud
rectè appellabitur, cù saltem aqua non ad-
mista, sed nec ullus alius liquor. Hinc in-
fero , merum imperium sub jurisdictione
tanquam genere non comprehendi & à ju-
dicatione criminali planè diversum esse ,
quod hæc circa scelerum cognitionem , illud
circa eorum pœnas versetur Obrecht. *in tr. de*
jurisd. prior. cap. 7. n. 1. utrumque autem spe-
ciali concessione non jure Magistratus com-
petere. Idem *disp. 7. tb. 114.* adde nervosè eun-
dem Obrecht. *in tr. de jurisd. novissimo & com-*
pleto lib. 1. c. 3. & seqq. Hilliger. d. lib. 17. cap. 8. lit.
Vu. p. 85. & 86. Dissentit ex professo ab Ob-
recht Boer. *lib. 1. de jurisd. cap. 2. (quem pro-*
lixè refutat Obrecht. d. c. 3.) Bachov. ad vol. 1.
Treutl. disput. 3. tb. 3. lit. i.

III.

Verum dicens, aliquando mentiri po-
test v. Keckerm *in curs. Philosoph. disp. 26. q. 10. &*
in Syst. Ethic. lib. 1. cap. 9.

IV.

Optima est Aristotelis sententia *viri er-*

*ga uxorem eandem esse rationem quàm Principis
erga subditum* lib. 7. ad Eudem. 5. Undè quisq;
paterfamilias in sua domo Rex & Monarcha.
Quod ubi benè tenuerit, florentem domum,
liberos educatos, opes abundantes videbit,
ubi sociam sibi junxerit uxorem *γυναικὸς ἐταί-
ρην*, opes diffluent, liberi dissolutiores eva-
dent, domus tota corruet. Natura voluit
potiùs mulierem impotentiùs, ut sobolem
fortiùs educaret, maritum judiciosius amare,
ut dexteriùs & uxori imperitaret & sobolem
institueret.

V.

Undè nec tutum erit Reipubl. summam
mulieri imponere, sivè nupserit sivè cœlibem
vitam egerit. Illic marito contra naturam
imperabit, hic in supremo imperii fastigio
posita laxiùs sibi indulgebit. Undè subditi
non poterunt diu ferre ardentis atque impo-
tentis feminæ imperium, graviter Bodinus
lib. 6. de Republ. c. 5. Planè cum Aristotele
optimo Philosophorum 1. *Politic. 8.* mulie-
rum Principatum non per se, sed præter natu-
ram esse concludamus, si videlicet supra se-
xum fœmineum ascendant & in corpo-
pore fœmineo mascula cor-
da gerant.